



Til: Rúnar Guðmundsson <runar@utu.is>
Efni: Re: 11 skálasvæði í Hrunamannahreppi.
Upplýsingar: Sent: 09-08-2019 13:20:03 af Trausti Baldursson, Málsnúmer: 2019070022, Bréfalyklar: 42-0

almennt

Tilvísun í mál: 2019070022

Vísað er til meðfylgjandi tölvupósts frá Hrunamannahreppi, dags. 14. júlí sl, þar sem óskað er eftir umsögn Náttúrufræðistofnunar Íslands um skipulagslýsingu fyrir deiliskipulag fjallaskála í Hrunamannahreppi.

Náttúrufræðistofnun hefur farið yfir skipulagslýsinguna og telur að í henni komi fram flest það sem þarf að taka á í frekari vinnslu við deiliskipulag fyrir fjallaskála í Hrunamannahreppi. Stofnunin telur þó að setja eigi óbyggð víðerni sem sér umhverfispátt en ekki er fjallað um víðerni í töflu 4 bls. 15. Þó ekki sé líklegt að miklar breytingar verði á víðernum vegna deiliskipulagsins sem slíks þá er rétt að fjalla sértaklega um þann þátt þar sem áhrif á víðerni geta hæglega verið óbein t.d. eftir því hvaða starfsemi er í viðkomandi skálum/hálendismiðstöðum. Aukin uppbygging og aukin umferð hefur t.d. áhrif á þann þátt í skilgreiningu á óbyggðum víðernum í lögum um náttúruvernd sem snýr að því að hægt sé að njóta náttúrunnar í víðernum án truflunar. Það þarf því að fara varlega ef hálendið á ekki að tapa sérstöðu sinni.

Almennt vill Náttúrufræðistofnun benda á eftirfarandi:

Í lögum um náttúruvernd nr. 60/2013 er að finna ýmis ákvæði sem eru leiðbeinandi um hvernig ber að nálgast vernd náttúruminja (s.s. lífríkis, jarðminja og landslags). Náttúrufræðistofnun leggur áherslu á að í allri matsvinnu/skipulagsvinnu sé skoðað hvernig hún samræmist almennum markmiðum laganna sem koma fram í 1., 2. og 3. gr. þeirra, 1. gr. (*Markmið laganna*), 2. gr. (*Verndarmarkmið fyrir vistgerðir, vistkerfi og tegundir*) og 3. gr. (*Verndarmarkmið fyrir jarðminjar, vatnasvæði, landslag og víðerni*). Einnig þarf að skoða einstakar greinar sem geta átt við. Hér má t.d. nefna greinar 6. til 12. um meginreglur hvað varðar náttúru- og umhverfisvernd, 14. gr. um hlutverk náttúruverndarnefnda, kafla IV um almannarétt, útivist og umgengni, kafla IX um friðun vistkerfa, vistgerða og tegunda, 61. gr. um sérstaka vernd vistkerfa, jarðminja o.fl., 63. grein um framandi lífverur og svo auðvitað kafla XII um skipulagsgerð, framkvæmdir og fleira, greinar 68. til 73., þar sem komið er inn á gerð skipulagsáætlana, hönnun mannvirkja og ræktun.

Við gerð skipulagsáætlana er mikilvægt að skoða áhrif þeirra m.t.t. allra framangreindra lagagreina sem ýmist geta átt við eða ekki.

Vegna frekari vinnslu á deiliskipulaginu vill Náttúrufræðistofnun einnig benda á eftirfarandi gögn sem geta komið að notum :

Fjölrit nr. 54, Vistgerðir á Íslandi, http://utgafa.ni.is/fjolrit/Fjolrit_54.pdf og <http://ni.is/grodur/vistgerdir> sjá jafnframt kortasjá <http://ni.is/midlun/utgafa/kort/vistgerdakort> , og Fjölrit nr. 55, Mikilvæg fuglasvæði, <http://ni.is/dyr/fuglar/mikilvaeg-fugasvaedi> og http://utgafa.ni.is/fjolrit/Fjolrit_55.pdf . Jafnframt er bent á að stofnunin hefur nýlega lagt til við umhverfis- og auðlindaráðuneytið, að vernda skuli ákveðin svæði á landinu og að þau verði sett á framkvæmdaáætlun eða B-hluta náttúruminjaskrár í samræmi við lög nr. 60/2013. Öll svæðin má sjá hér: <http://ni.is/midlun/natturuminjaskra> en einnig má skoða tillögurnar í kortasjá, <https://natturuminjaskra.ni.is/> Á það skal bent að tillögur Náttúrufræðistofnunar til ráðherra eiga eftir að fara í formlegt ferli í samræmi við 36. grein fyrrgreindra laga. Á þessari stundu segja tillögurnar því ekkert um hvort ákveðið skipulag/starfsemi falli að verndartillögu eða ekki eða hvort tillaga nái fram að ganga. Ná tillögurnar fram að ganga á einnig eftir að fjalla um skilamála sem varða verndina. Það skal því ítrekað að hér er um faglegt álit Náttúrufræðistofnunar að ræða sem eftir á vinna úr í samræmi við lög um náttúruvernd. Einnig má sjá upplýsingar um svæði sbr. 61. gr. laga um náttúruvernd hér: <https://www.ni.is/midlun/utgafa/kort/serstok-vernd> og hér <https://serstokvernd.ni.is/>

Náttúrufræðistofnun leggur áherslu á að allar ákvarðanir í mats- eða skipulagsvinnu byggji á sem bestum þekkingargrunni hvað varðar náttúrufar og að alltaf sé leitað leiða til að koma í veg fyrir neikvæð áhrif á náttúruna.

Virðingarfyllst,

Trausti Baldursson
Náttúrufræðistofnun Íslands
Icelandic Institute of Natural History
Urriðaholtsstræti 6-8
210 Garðabær
Sími/Tele: 590 0500
Email: trausti@ni.is



Frá: Rúnar Guðmundsson <runar@utu.is>

Dags: 07/14/2019 02:51:12 PM

Til: "for@for.is" <for@for.is>, Regína Sigurðardóttir <regina.sigurdardottir@for.is>, "ust@ust.is" <ust@ust.is>, "land@land.is" <land@land.is>, "hsl@hsl.is" <hsl@hsl.is>, Sigrún Guðmundsdóttir <sigrun@hsl.is>, Kristinn Magnússon <kristinn@minjastofnun.is>, Uggi Ævarsson <uggi@minjastofnun.is>, Erna Bára Hreinsdóttir <erna.b.hreinsdottir@vegagerdin.is>, "ni@ni.is" <ni@ni.is>, Skipulagsstofnun <skipulag@skipulag.is>

cc: Stella Rúnarsdóttir <stella@utu.is>

Efni: 11 skálasvæði í Hrunamannahreppi.

Sæl veriði gott fólk.

Hér með er óskað eftir umsögn á meðfylgjandi skipulagslýsingu Eflu dags. 28.6.2019.

Lýsingin er tekin saman í einu skjali fyrir 11 skálasvæði á afrétti Hrunamannahrepps.

Svæðin eru eftirfarandi :

Fosslægur

Leppistungur

Miklöldubotnar

Frægðarver

Rofshólar

Heiðará

Helgaskáli

Efri-Kisubotnar

Grákollur

Svínárnes

Kerlingarfjöll deiliskipulagsbreyting.

Ég geri mér grein fyrir að það eru sumarleyfi í gangi.

En það væri vel þegið að fá umsagnir sendar innan 4 vikna ef nokkur kostur er.

Reiknað er með að þessi lýsing verði kynnt með auglýsingu seinnipart júlímánaðar.

Í framhaldinu má svo búast við að óskað verði eftir umsögn um sjálfar deiliskipulagstillögurnar.

Vinsamlegast staðfestið móttöku pósts.

Með góðri sumarkveðju.

Rúnar Guðmundsson

Skipulagsfulltrúi



Dalbraut 12. Laugarvatni

Sími: 480 5550

Netfang: runar@utu.is

Vefsíða: www.utu.is

[attachment "Lýsing deiliskipulagstillögu, 11 skálasvæða á Hrunamannaafretti..pdf" deleted by Trausti Baldursson/NI.IS]